

P. nr.203/16

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit Sh. V. nga Gjakova, për shkak të veprës penale lëndim i lehte trupor nga neni 188/1 të KPRK-së, sipas Aktakuzës të Prokurorisë Themelore –DP në Gjakovë, PP.nr.113/16 të dt.20.04.2016, në shqyrtimin fillestar të mbajtur më datë **22.08.2016**, në prani të Prokurorit së shtetit Arian Gashi dhe te akuzuarit, të njëjtën ditë mori dhe publikisht shpalli këtë:

A K T G J Y K I M

I akuzuari Sh. V. nga Gjakova, i lindur me dt..., Rr... p.n., ku edhe tani jeton, i biri i F. dhe i nënës Gj. e gjinisë M., ka te kryer shkollën e mesme, i pa punë, i gjendjes se varfër ekonomike, shqiptar, shtetas i R. Kosovës, i martuar at i 2 fëmijëve.

Ë s h t ë f a j t o r**Sepse:**

- me dt.14.01.2016 rreth orës 22.15, ne Gjakovë, respektivisht ne një lokal në rrugën “N. Terezë” pasi ishte fjalosur paraprakisht me te dëmtuarin S. Z., e kishte sulmuar fizikisht te dëmtuarin ne pjese te ndryshme te trupit me grushte duke i shkaktuar lëndime te lehta trupore sipas mendimit e ekspertit mjeko ligjor Dr. F. B. te dt.15.03.2016.

-me çka ka kryer veprën penale lëndim i lehte trupor nga neni 188/1 të KPRK-së

Andaj Gjykata në bazë te nenit 4,17,41,49,50,51, 73, neni 188/1 të KPRK-së dhe nenit 365 të KPP, të akuzuarit i shqipton :

DENIM ME KUSHT

Dënim me burgim ne kohëzgjatje prej **3 (tre) muajve**, i cili dënime nuk do te ekzekutohen nëse i akuzuari brenda kohës se verifikimit ne afatin prej **1 (një) viti** nuk kryen ndonjë vepër tjetër penale.

I dëmtuari për realizimin e kërkesës pasurore juridike udhëzohet ne kontest civil.

I akuzuari obligohet që në emër të shpenzimeve procedurale te paguaj shumen prej **20.00 €** dhe ne emër te paushallit gjyqësor të paguaj shumën prej **20,00 €**, në afat prej **15 ditëve**, pasi që Aktgjykimi të merr formë të prerë, nën kërcënim të përmbarimit me dhunë.

A r s y e t i m

Prokuroria Themelore në Gjakovë, me aktakuzën PP.nr.113/16 të dt. 20.04.2016, e ka akuzuar të akuzuarin Sh. V., nga Gjakova, për shkak të veprës penale lëndim i lehte trupor nga neni 188/1 të KPRK-së.

Gjatë shqyrtimit fillestar me dt.22.08.2016, përfaqësuesi i PTH-DP, në Gjakovë, Prokurori Arian Gashi, lexon aktakuzën PP.nr 113/16 të dt.20.04.2016, dhe deklaron se mbetet ne tersi pran aktakuzës dhe parashtresës dt. 21.04.2016, me te cilën është përmirësuar gabimi teknik i kualifikimit juridik te veprës penale, ku ne vend te nenit 181 /1 duhet te jete vepra penale nga neni 188/1, ndërsa pjesa tjetër mbete e pandryshuar.

I akuzuari Sh. V., gjatë shqyrtimit fillestar ka deklaruar se e pranon ne tërësi fajësinë sipas aktakuzës me te cilën pandehet duke i ditur edhe me pare pasojat e pranimit te fajësisë dhe atë ne mënyrë vullnetare dhe pa presion, dhe shtojë se i kërkojë falje para gjykatës, premtojë se me nuk do te përsëritet një vepër e tillë, me te dëmtuarin jemi pajtuar sipas traditave dhe zakoneve, andaj i propozoi gjykatës qe te merr parasysh këto rrethana lehtësuese si pranimin e fajësisë, gjendjen e varfër ekonomike si dhe fakti se asnjëherë me pare nuk kam ra ne ndesh me ligjin te me shqiptojë një dënim me te butë.

Ne shqyrtimin fillestar gjykata ka vërtetuar këtë gjendje faktike:

Ne tërësi u vërtetua se i akuzuari Sh. V., me dt. 14.01.216 rreth orës 22.15, ne Gjakovë, respektivisht ne një lokal në rrugën “N. Terezë” pasi ishte fjalosur paraprakisht me te dëmtuarin S. Z., e kishte sulmuar fizikisht te dëmtuarin ne pjese te ndryshme te trupit me grushte duke i shkaktuar lëndime te lehta trupore sipas mendimit e ekspertit mjeko ligjor Dr. F. B. te dt. 15.03.2016.

-me çka ka kryer veprën penale lëndim i lehte trupor nga neni 188/1 të KPRK-së

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë, për shkak te se cilës gjykata nuk ka administruar provat, gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimit te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimit te fajësisë, pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza, ne materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike.

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpalle fajtor dhe ta gjykojë ne bazë te ligjit, me pare duke vërtetuar përgjegjësisë penale juridike te tij.

Me rastin e marrjes së vendimit mbi dënimin ndaj te akuzuarit, gjykata ka pasur parasysh të gjitha rrethanat nga neni 73 të KPK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh pranimin e vullnetshëm të fajësisë nga i akuzuari, pendimin e tij, sjelljen korrekte në gjykim, me te dëmtuarin jemi pajtuar sipas traditave dhe zakoneve, gjendja e varfër ekonomike, si dhe faktin se i njëjti me pare nuk ka gene i dënuar nga ana e gjykatës. Kështu që duke mos gjetur rrethana rënduese gjykata ka ardhur në përfundim se me dënimin me kusht duke ia vërtetuar dënim me burgim në kohëzgjatja prej **3 (tre)** muajve i cili dënim nuk do të ekzekutohet nëse i akuzuari brenda kohës së verifikimit në afatin prej **1 (një) viti** nuk kryen ndonjë vepër

tjetër penale, do të arrihet efekti dhe qëllimi i tij nga neni 41 dhe 50 i KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi për udhëzimin e palës së dëmtuar në kontest civil për realizimin e kërkesës pasurore juridike është marrë bazuar në nenin 463/2 të KPP-ës.

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1 dhe 2 nën paragrafi 2.6 të KPPK-së

Nga sa u tha më lartë u vendos si në dispozitiv të këtij Aktgjykimi.

**GJYKATA THEMELORE NË GJAKOVË,
P. nr.203/16 më datë 22.08.2016.**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë ,në afatin prej **15 ditësh** ,nga dita e marrjes së tij në dorëzim ,Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykate.